



Kommunal- og distriktsministeren

Stortingets kommunal- og forvaltningskomite

0026 OSLO

Deres ref

Vår ref

Dato

23/9-348

5. desember 2023

Svar på spørsmål til Prop. 22 S (2023–2024)

Eg viser til spørsmål frå medlemmane frå Høgre i kommunal- og forvaltningskomiteen som ledd i sakshandsaminga av Prop. 22 S (2023–2024) *Endringar i statsbudsjettet 2023 under Kommunal- og distriktsdepartementet*.

Spørsmål:

Kap 573 Post 62

Det vises til den foreslåtte økningen på kapitel 573, post 62. Det er foreslått en økning på posten med 176,9 mill. kroner. De aktuelle fylkeskommunene og Ålesund kommune fikk svar før sommeren 2023 på hvor mye av søknadssummen for kostnader knyttet til deling de skulle få innvilget. Det bes om begrunnelse for hvorfor disse midlene ikke ble lagt inn i revidert budsjett for 2023? Kan regjeringen bekrefte at den foreslåtte økningen på kapitel 573, post 62 blir brukt innen utgangen av 2023?

Svar:

I statsbudsjettet for 2023 blei det løyvd 200 mill. kroner til delingskostnader, og det blei løyvd ytterlegare 204,7 mill. kroner i samband med revidert nasjonalbudsjett 2023. I Prop. 118 S (2022–2023) gjekk det òg fram at departementet ville komme tilbake med forslag om ytterlegare løyvingar på eit seinare tidspunkt. I tillegg til auken på 176,9 mill. kroner i 2023 som no blir foreslått i Prop. 22 S (2023–2024), har regjeringa foreslått ei løyving på 213,7 mill. kroner i statsbudsjettet for 2024.

Søknadane frå Ålesund og fylkeskommunane blei grundig handsama i departementet for å sikre likskap og at berre naudsynte og direkte kostnader blei dekkja, i tråd med kriteria for ordninga. Ikkje alle søknadane var endeleg avgjorde då revidert nasjonalbudsjett blei lagt fram.

Midlar som er løyvde på kap. 573, post 62 i 2023, bli utbetalt frå departementet innan utgangen av 2023.

Med hilsen

A handwritten signature in blue ink, reading "Erling Sande". The signature is stylized with a large, sweeping "S" and "a" in "Sande".

Erling Sande